

『興福寺緣起』

(前略)

維摩會。

右先正一位太政大臣。奉爲聖朝安穩。社稷无傾。謹發弘誓始開斯會。然太政大臣沈病。既廻万計。時有百濟禪尼。名曰**法明**。白大臣。我持大乘名維摩經。其中所說問疾品試奉誦。相公御惱平愈歟。未誦了一品之前。相公御病既以平愈。時大臣稽首合掌言。生々世々歸依大乘。又爲師禪尼。仍講維摩經。或講三日。中間已絕。此會不行。慶雲二年歲次乙巳秋七月。後太政大臣臥病不豫。是日誓願。劣臣怠緩不繼先志。自今以後躬爲膳夫。歸敬三寶。供養衆僧。轉維摩於万代。傳正教於千年。遙捧芳因永資先慈。至養老四年大臣薨。徂。事稍荏苒轉讀。天平五年春三月。皇后重願。如舊典復講說。七日。祖考之志無妨咸熟。從彼已來至于今相承不絕乎。(具在別記。)

(中略)

齊明天皇元年(乙卯)内臣遷大紫冠。增封五千戸。前後并一萬五千戸也。同二年(丙辰)内臣有病。蟄居山城國宇治郡小野郷山階村陶原家。救療無驗。天皇憂之矣。於是百濟國禪尼。名**法名**。修行之次到來内臣亭。内臣相謁。語及雜事。内臣問曰。汝國有如予病痾人哉。答曰有之。重問云。何除之。尼云。讀誦維摩詰經自除愈。内臣感喜使尼轉讀。句偈未終。應聲廼痊(或云。至問疾品痾疾忽除。)

(後略)